

# АКАФИСТ НОВОМУЧЕНИКАМ И ИСПОВЕДНИКАМ РОССИЙСКИМ

## КОНДАК 1

Избранныи новомученицы и исповедницы Российской-  
стии, свидетелие Христовы, агнцы новозакланнии,  
кровию своею ризы Церкви нашея украсившии. Вы,  
прещений мучителей не убоявшеся, любовь к Богу да-  
же до смерти явили есте и в жизни вечней к нему дерз-  
новение стяжали есте. Темже предстояще престолу  
Вседержителя, поминайте нас, любовью вас почитаю-  
щих и вопиющих: радуйтесь, новомученицы и испо-  
ведницы Российскойстии, Церкви нашея похвало и укра-  
шение.

## ИКОС 1

Ангелов Творец и мира Зиждитель от века предизбра  
вас, яко верныя свидетели Своя в земли Российскойстей, и  
в годину тяжких испытаний благодать и силу вам да-  
рова. Вы же веру православную миру безбожному  
явивше, твердым исповеданием, изгнанием и терпени-  
ем страданий, Христа прославили есте. Сего ради и мы  
прославляем вас сице:

Радуйтесь, измлада Христа возлюбившии;

Радуйтесь, глас Пастыря добраго послушавшии;

Радуйтесь, Царства Божия внутрь себе присно искав-  
шии;

Радуйтесь, крест на рамо свое взявшии;

Радуйтесь, славу мира сего отринувшии;

Радуйтесь, за Христа страдания претерпевшии;  
Радуйтесь, любви ради Божия смерть приемшии;  
Радуйтесь, Небеснаго царствия достигшии.  
Радуйтесь, новомученицы и исповедницы Российскойи,  
Церкве нашея похвало и украшение.

## **КОНДАК 2**

Видя отечество наше в бедах и скорбех сущее, святителю отче Тихоне, богоизбранный патриарше земли нашея, призывал еси верная чада Церкве Российскойи за Христа и веру православную мужественно стояти. Сам же по вся дни умирая за паству твою, исповедник непоколебимый явился еси, воспевая Богу: Аллилуйа.

## **ИКОС 2**

Разумом божественным просвещаемь, святителю отче Тихоне, Церковь Русскую мудре управил еси, и безбожнныя гонители обличая, паству твою подвиги новомучеников почитати призывал еси. Сего ради вопием ти сице:

Радуйся, первосвятителей московских благодатный приемниче;

Радуйся, земли Русския великий печальниче;

Радуйся, апостольских преданий усердный хранителю;

Радуйся, сокровище православныя веры благоговейный блюстителю;

Радуйся, благодать Духа Святаго в сердце присно имевый;

Радуйся, разделения церковныя любовь врачевавый;

Радуйся, заточение и поругания мужественне претерпевый;

Радуйся, крестный путь с паствою твоею прошедый.

Радуйтесь, новомученицы и исповедницы Российскойи, Церкви нашея похвало и украшение.

### **КОНДАК 3**

Силою, данною вам свыше, страстотерпцы славнии, царю Николаю и царице Александро, царевичу Алексие и царевны Ольго, Татиано, Марие и Анастасие, лишение царства и славы земныя со смирением восприяли есте. Страданием же вольным даже до смерти Христу последовали есте и за убивающия вы молилися есте, вопиюще Богу: Аллилуйа.

### **ИКОС 3**

Имуще веру несумненну, яко вся от Бога суть, изгнание, поругание и темничное заточение мужественне претерпели есте, царственнии страстотерпцы, и мученических венцев сподобилися есте. Сего ради вопием вам сице:

Радуйтесь, венец и похвало рода царскаго и богоизбраннаго;

Радуйтесь, преславныя отрасли корене благочестиваго;

Радуйтесь, царства земнаго лишение со смирением приемшии;

Радуйтесь, страдании вашими Царства Небеснаго сподобльшиися;

Радуйтесь, за враги своя усердно молившиися;

Радуйтесь, всем сердцем Бога взыскавшии;

Радуйтесь, образ исповедничества верным людем показавшии;

Радуйтесь, седмочисленнии страсотерпцы, во едином душе Богу представшии.

Радуйтесь, новомученицы и исповедницы Российстии, Церкве нашея похвало и украшение.

#### **КОНДАК 4**

Бурею гонений на Церковь Русскую обдержими, святителие Божии, верою и страданьми мученическими благодать Христову стяжали есте, и корабль церковный неврежденно сохранивше, подражатели первым мучеником явилися есте. С ними же на небесех взываете Богу победную песнь: Аллилуйа.

#### **ИКОС 4**

Ведуще глас евангельский, яко пастырь добрый душу свою полагает за овцы, священномученицы доблии, любви ради Христовы и паствы своея изгнания, глад, хлад, зной солнечный и работы горькия претерпели есте, смертью мученическою житие свое увенчавше. Се-го ради и мы с любовью прославляем вас сице:

Радуйтесь, залог Христов добре сохранившии;

Радуйтесь, житием и смертью образ верным показавшии;

Радуйтесь, жертву бескровную благоговейне совершавшии;

Радуйтесь, самех себе в жертву живую принесшии;

Радуйтесь, Церкве Российския славо;

Радуйтесь, отечества нашего украшение;

Радуйтесь, паствы ваша ко Христу путеводителие;  
Радуйтесь, догматов церковных ревностнии блюстителие.

Радуйтесь, новомученицы и исповедницы Российстии,  
Церкве наша похвало и украшение.

### **КОНДАК 5**

Богосветлыя звезды на небе церковнем явились есте,  
священноисповедницы российстии, и поношения, за-  
точения, изгнания и горькия работы претерпевше,  
Господа Иисуса Христа мужественне исповедали есте.  
Таже благочестно в мире поживше, путь ко спасению  
во тьме безбожия явили есте, научающе верныя присно  
благодарственно пети Богу: Аллилуйа!

### **ИКОС 5**

Видевше разорение земли Русския и беззаконие ве-  
лие, опустошившее ю, вы, священноисповедницы  
славнии, страха и смерти не убоялися есте, и подвиги  
исповедничества благоухающе, яко крини сельнии по-  
среде пустыни, процвели есте. Сего ради прославляем  
вас сице:

Радуйтесь, молитвою теплою сердца ваша в подвиге  
утверждавшии;

Радуйтесь, твердым исповеданием веры просиявшии.

Радуйтесь, во страданиях терпение и кротость явив-  
шии;

Радуйтесь, яко агнцы незлобивии посреде волков хо-  
дившии.

Радуйтесь, службу Божию во устах совершавшии;

Радуйтесь, союзники в терпении укреплявшии.  
Радуйтесь, души ваша за паству полагавшии;  
Радуйтесь, посреде гонений благодатию Божию хранении.

Радуйтесь, новомученицы и исповедницы Российстии, Церкви нашея похвало и украшение.

### **КОНДАК 6**

Проповедует Церковь Российская подвиги ваша, преподобномученицы достославнии, поты трудов и кровию мучений землю нашу освятившии. Вы бо слезами покаяния души ваша омывше, в жертву живую, благоприятную Господеви, себе предуготовили есте. Ныне же Ему дерзновенно предстоите и взываете победную песнь: Аллилуйа!

### **ИКОС 6**

Воссия свет Христов в сердцах ваших, преподобномученицы, вы бо яко воины добропобеднии, молитву во всеоружие приемше, веры правыя никакоже отпали есте, и узы темничныя, мучения тяжкая и работы горькия претерпевше, лютую смерть от безбожных прияли есте. Сего ради прославляем вас сие:

Радуйтесь, путь истиннаго богопознания нам показавше;

Радуйтесь, души ваша за Христа положившии.

Радуйтесь, язвы Господа Иисуса Христа на телесех ваших носившии;

Радуйтесь, вся тленная мира сего презревшии.

Радуйтесь, любовь Христову к мучителем явившии;

Радуйтесь, молитву за ненавидящих вас пролиившии.  
Радуйтесь, велие дерзновение ко Господу стяжавшии;  
Радуйтесь, подвиги постническими и кровию вашею  
землю Русскую освятившии.

Радуйтесь, новомученицы и исповедницы Российстии,  
Церкве нашея похвало и украшение.

### **КОНДАК 7**

Хотяще во дни гонений безбожных на Церковь Русскую, веру твердую и любовь ко Господу сохранить, преподобноисповедницы честнии, поношения, заточения, изгнания и горькия работы, Христа ради претерпели есте. Таже благочестно в мире поживше, многим путь ко спасению показали есте, научающе пети Богу победную песнь: Аллилуйа!

### **ИКОС 7**

Новыя исповедники показа вас Господь, преподобнии отцы наши, егда прииде испытати люди Своя, вас же, блаженнии, обрете рабы бдящия, смирением и добродетельми украшенныя. Сего ради прославляем вас сице:

Радуйтесь, иго благое на рамена своя взявшии;

Радуйтесь, подвиги поста и молитвы просиявшии.

Радуйтесь, мужество и крепость в страданиях явившии;

Радуйтесь, исповеданием вашим веру запечатлевшии.

Радуйтесь, верность Христу в житии вашем сохранившии;

Радуйтесь, многия люди в вере правей наставившии.

Радуйтесь, заповедей Христовых вернии исполнителие;

Радуйтесь, подвигов новомучеников истиннии свидетелие.

Радуйтесь, новомученицы и исповедницы Российскойи, Церкви нашея похвало и украшение.

### **КОНДАК 8**

Странное чудо миру яviste, новомученицы Российскойи, вы бо, во страдании крепость показавше, силою Христовою безбожныя одолесте и смертью вашею воскресение Христово проповедаете. Ныне же у престола Божия предстоите и воспеваете победную песнь: Аллилуйа!

### **ИКОС 8**

Вся красная мира сего презревше, святии новомученицы Российскойи, во след Господу крестным путем последовали есте и по заповеди евангельстей мзду многу на небесех обрели есте. Сего ради примите от нас похвалы сицевыя:

Радуйтесь, вернии сыны Церкви Российскойи, безбожных гонителей не убоявшиися;

Радуйтесь, узы темничныя, труды горькия и изгнания претерпевшии.

Радуйтесь, древним мучеником в страданиях уподобившиися;

Радуйтесь, талант, врученный вам Господем, терпением преумножившии.



Радуйтесь, блаженство изгнанных правды ради верою достигшии;

Радуйтесь, кровию вашею землю Русскую освятившии.

Радуйтесь, страдании вашими образ верным подающии;

Радуйтесь, венцы нетленные от Христа Бога приемшии.

Радуйтесь, новомученицы и исповедницы Российскойи, Церкви нашея похвало и украшение.

### **КОНДАК 9**

Всяческая страдания за Христа претерпевше, исповедницы преславнии, веру православную сохранили есте, и терпением гонители Церкви Русския посрамивше, благочестием в мире воссияли есте. Ныне же престолу Божию предстоите и воспеваете хвалебную песнь: Аллилуйа!

### **ИКОС 9**

Ветии церковнии недоумевают како воспети вас по достоянию, новии исповедницы Церкви Русския, вы бо в скорбех, изгнаниих и заточениих, Христа истиннаго Бога прославили есте и верным путь ко спасению указали есте. Мы же прибегающе к молитвенному предстательству вашему, дерзаем ублажати вас сице:

Радуйтесь, все упование на Бога возложивше;

Радуйтесь, подвиг исповедничества в терпении совершившии;

Радуйтесь, мучителей безбожных не убоявшиися;

Радуйтесь, немощныя в вере укрепившии;

Радуйтесь, работы горькия в сладость духовную вос-  
приемшии;  
Радуйтесь, сердца ваша Богу в жертву принесшии;  
Радуйтесь, страданием души ваша очистившии;  
Радуйтесь, житием святым образ верным показавшии;  
Радуйтесь, новомученицы и исповедницы Российстии,  
Церкве нашея похвало и украшение.

### **КОНДАК 10**

Спасти хотя Господь множество жен и дев, во обите-  
ли иноческия тыя призва. Во дни же гонений безбож-  
ных мужескую крепость им дарова, еже за имя Свое  
пострадати и терпением многим Царствия Небеснаго  
достигнути, да яко мудрыя девы, в чертозе брачном  
Христу жениху воспевают песнь: Аллилуйа!

### **ИКОС 10**

Стена и помощь благонадежная бысть Богородица  
вам, святыя преподобныя жены, мученицы и исповед-  
ницы, в скорбех, изгнаниих и узах пребывающим. Вы  
бо любовь и труды людем страждущим, яко Самому  
Сыну Ея, послужите. Темже с благодарением вас уб-  
лажаем:

Радуйтесь, преподобномученицы, яко агницы непо-  
рочныя, за Христа закланныя;

Радуйтесь, преподобноисповедницы, яко голубицы  
чистыя, сетей врага избавльшиися;

Радуйтесь, житейская попечения во иночестве отри-  
нувшия;

Радуйтесь, во страданиях Христу, яко мирноносицы, последовавшия;

Радуйтесь, гонений жестоких и смерти лютыя не убоившияся;

Радуйтесь, в мучениих благодатию Божиею укрепляе-  
мая;

Радуйтесь, евангельски, яко Мария, благую часть избравшия;

Радуйтесь, яко Марфа Христу, ближним послужившия;

Радуйтесь, новомученицы и исповедницы Российстии,  
Церкве нашея похвало и украшение.

### **КОНДАК 11**

Пение всеумиленное приносим вам, новомученицы и исповедницы Российския, вы бо благочестно в законе Господни пожившия, веру православную сохранили есте, и смертью мученическою и терпением страданий за Христа гонители Церкве Русския посрамили есте. Ныне же во Царствии Небеснем ликующа, воспевайте Богу победную песнь: Аллилуйа!

### **ИКОС 11**

Светом евангельским просвещенныя и заповеди Господни сохранявшия, святыя жены и девы, добродетельное житие во дни гонений лютых страданием вольным увенчали есте и воистину новыя мученицы и исповедницы явились есте. Сего ради воспеваем вас сиче:

Радуйтесь, мученицы, любовью ко Христу страх смерти превозмогшия;

Радуйтесь, исповедницы, в страданиях за Христа веру  
и надежду соблюдоши;  
Радуйтесь, подвиги вашими ангелы возвеселивши;  
Радуйтесь, немощь естества женскаго словом Божиим  
препобедивши;  
Радуйтесь, Христовы заповеди житием и смертию ис-  
полнивши;  
Радуйтесь, мудрости евангельских дев подражавши;  
Радуйтесь, мужем своим в гонениях последовавши;  
Радуйтесь, ныне купно с ними венцы небесными увен-  
чанныя;  
Радуйтесь, новомученицы и исповедницы Российскойи,  
Церкве нашея похвало и украшение.

### **КОНДАК 12**

Благодатное утверждение Церкве нашея имамы вас,  
новомученицы и исповедницы Российскойи. Вы бо  
сердцем верующе в правду, усты же Господа Иисуса  
Христа во спасение исповедавши, заточения, изгнания,  
горькия работы и смерть претерпели есте. Ныне же  
молитесь ко Господу о нас, земных сродницех ваших,  
да присно с вами поем Богу: Аллилуйя!

### **ИКОС 12**

Поюще вашу небесную славу, страсотерпцы Хри-  
стовы, лобызаем язвы ваша, вы бо стопам древних му-  
ченик последующе, не уклонистесь скорби, ни убоя-  
стесь темницы, горькими работами, голодом и хладом  
изморени бысте, и многовидными муками умерщвляе-  
ми, яко агнцы незлобивии, веры ради пострадасте и

смерть приясте. Темже примите от нас похвалы сицевыя:

Радуйтесь, святителие Христовы, добре Церковь управившии;

Радуйтесь, иереи Божии, души за паству полагавшии;

Радуйтесь, Царственнии страсотерпцы, от богоборных властей смерть и поругание приемшии;

Радуйтесь, благовернии князие и княгини, благочестие даже до смерти соблюдшии;

Радуйтесь, преподобнии мужие, праведное житие венцем страдания увенчавшии;

Радуйтесь, преподобныя жены, крепость и мужество в страданиях явившия;

Радуйтесь, вси православнии христиане, за пределами отечества многоразличне пострадавшии;

Радуйтесь, вси ведомии и неведомии, Богом увенчанныи людие.

Радуйтесь, новомученицы и исповедницы Российстии, Церкви нашея похвало и украшение.

### **КОНДАК 13**

О преславнии новомученицы и исповедницы Российстии! Примите малое сие моление наше, в похвалу вам ныне приносимое, и молитесь ко Христу Богу, да укрепит в людех дух братолюбия и благочестия, да утвердит во отечестве нашем веру православную и сподобит нас купно с вами воспевати Ему: Аллилуйа!

*(сей кондак глаголи трижды)*

*И паки чтется первый икос*

Ангелов Творец и мира Зиждитель от века предизбра вас, яко верныя свидетели Своя в земли Российской, и в годину тяжких испытаний благодать и силу вам дарова. Вы же веру православную миру безбожному явивше, твердым исповеданием, изгнанием и терпением страданий, Христа прославили есте. Сего ради и мы прославляем вас сице:

Радуйтесь, измлада Христа возлюбившие;

Радуйтесь, глас Пастыря добраго послушавшии;

Радуйтесь, Царства Божия внутрь себе присно искавшии;

Радуйтесь, крест на рамо свое взявшии;

Радуйтесь, славу мира сего отринувшии;

Радуйтесь, за Христа страдания претерпевшии;

Радуйтесь, любви ради Божия смерть приемшии;

Радуйтесь, Небеснаго царствия достигшии.

Радуйтесь, новомученицы и исповедницы Российской, Церкви нашея похвало и украшение.

*И паки первый кондак*

Избраннии новомученицы и исповедницы Российской, свидетелие Христовы, агнцы новозакланныи, кровию своею ризы Церкви нашея украсившии. Вы, прещений мучителей не убоявшеся, любовь к Богу даже до смерти явили есте и в жизни вечней к нему дерзновение стяжали есте. Темже предстояще престолу Вседержителя, поминайте нас, любовью вас почитающих и вопиющих: радуйтесь, новомученицы и испо-

ведницы Российскойсти, Церкве нашея похвало и украшение.

## МОЛИТВА

О, святии новомученицы и исповедницы Российскойсти: святителие и пастырие Церкве Христовы, Царственнии страстотерпцы, благовернии князие и княгини, доблии воины, монаси и мирстии, благочестивии мужие и жены, во всяцем возрасте и сословии за Христа пострадавшии, верность Ему даже до смерти свидетельствовавшии и венец жизни от Него приявшии!

Вы во дни гонения лютаго, землю нашу от безбожных постигшаго, на судищах, в заточениях и пропастьех земных, в горьких работах и всяких скорбных обстояниях образ терпения и непостыднаго упования мужественне явили есте. Ныне же, в рай сладости наслаждающесе, пред Престолом Божиим во славе предстоите и присно хвалу и ходатайство со Ангелы и всеми святыми Троидиному Богу возносите.

Сего ради мы, недостойнии, молим вас, святии сродницы наши: не забудьте земнаго отечества вашего, грехом каинова братоубийства, поруганием святынь, безбожием и нашими беззаконии отягченнаго. Умолите Господа Сил, да утвердит Церковь Свою непоколебиму в мире сем многомятежном и лукавом; да возродит в земли нашей дух братолюбия и мира; да паки будем мы царское священство, род Божий, избранный и святой, присно с вами славящий Отца и Сына и Святаго Духа во веки веков. Аминь.